

BESTELAKO XEDAPENAK

OSASUN SAILA

2991

AGINDUA, 2018ko maiatzaren 22koa, Osasuneko sailburuarena, Vitoria-Gasteizko farmazia-eskualdean farmazia-bulego bat sortzea bidezko dela iragartzen duena.

Euskal Autonomia Erkidegoko Ordenazio Farmazeutikoari buruzko ekainaren 17ko 11/1994 Legearen 34.1 artikuluan ezartzen denez, farmazia-bulego berriak irekitzeko deialdia edo, hala bada, deialdi hori bidezko ez dela aditzera ematen duen iragarpena urte bakoitzeko lehen seihilekoan egingo da, biztanleen udal-errola berrikustetik ateratako datuak izan ondoren.

Bada, datu ofizial horien azterketatik ondorioztatzen da Vitoria-Gasteizko farmazia-eskualdean farmazia-bulego berri bat sortzea bidezkoa dela.

Hala ere eta guztiz ere, une honetan ezin da zehaztu bidezko jo den farmazia-bulego hori non kokatuko den, harik eta farmazia-eskualde berean farmazia-bulego bat sortzeko 2018ko urtarrilaren 11ko Aginduaren bidez hasitako beste prozedura bat bukatu arte.

Horiek horrela, farmazia-bulego barri bat sortzeko deialdia orain eginez gero, ez lirateke beteko Farmaziak sortu, lekuz aldatu, itxi eta jardunean jartzeko prozedurak arautu zituen ekainaren 27ko 338/1995 Dekretuaren 1.3 artikuluan ezarritako baldintzak, zeinak kokalekua berariaz aipatzea behartzen baitu.

Horregatik, bada, zuzenbidera doituago legoke eta farmazia-bulego berriaren titulartasuna eskuratu nahi duten interesdunentzat mesedegarriago izango litzateke deialdi hori ez egitea harik eta kokapenari buruzko zalantza behin betiko argitu arte.

Hori guztia kontuan hartuta, hau

EBAZTEN DUT:

Lehenengoa.– Vitoria-Gasteizko farmazia-eskualdean farmazia-bulego bat sortzea bidezko dela iragartzea.

Bigarrena.– Farmazia-bulego hori sortzeko deialdia egiteko iragarki bat argitaratuko da Euskal Herriko Agintaritzaren Aldizkarian, kokalekua jakin bezain laster, 11/1994 Legearen 13. Artikuluan ezarritako irizpideekin bat.

Hirugarrena.– Iragarki horrek, gainera, farmazia-bulego horren titulartasuna eskuratzeko eskabideak aurkezteko epea zehaztuko du, nahitaez.

Vitoria-Gasteiz, 2018ko maiatzaren 22a.

Osasuneko sailburua,
JON DARPÓN SIERRA.